

Franckesche Stiftungen zu Halle

Salomonis, Regum hominumque, peccati labe laborantium, sapientissimi, Proverbia & Ecclesiastes

Breithaupt, Joachim Just

Magdeburgi, 1717

VD18 11104074

Caput Vigesium Septimum.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:gbv:ha33-1-216270

26. Fraus, tegit invidiam¹: mox se, fallacia, prodet
Conventu² in medio.

27. Foveam³ qui fodit, in ipsam
Ipse ruet⁴. lapidem⁵ grandem in sublime volutans,
Inde relapsurum, metuet sibi.

28. Lingua dolosa⁶,
Quos temerè attrivit, nullo dignatur amore⁷:
Acriùs impellet⁸, mollita⁹ per ora, labantes.

CAPUT VIGESIMUM SEPTIMUM.

De futuris haud gloriandum, 1. Laudatio sui ipsius, sordet, 2. Iracundia hominis temerarii, molestissima. Invidia autem, malum majus, truculento furore, & indignatione effusa. 3, 4. Amor, estimandus: non, è jucundis signis; sed, ex officiis necessariis. 5, 6. Fames, ut naturalis, sic spiritalis, coquus optimus. 7. Migratio, periculosa. 8. Fidelis amici consilium, preferendum proprio: & ille, consanguineo. 9, 10. Pietas in parentes, utiliùs se non exserit, quàm studio vera sapientie. 11. Calliditas innoxia, haud negligenda. 12. Quicquid temerarium in charitate, vitium. 13. Adulatio, invisa & suspecta bonis. 14. Conjugii discordia, ut tempestas insuperabilis, praevidenda & fugienda. 15, 16. Vir virum acuit. 17. Custodia fidelis, nunquam ingloria. 18. Charitas vera, sui similem parit: nec non hypocritica. 19. Visio, externa atque interna, [nisi vero fidei exercitio ordinatior sit reddita, Joh. XV, 17. 1. Joh. III, 6.] appetitu laborat insatiabili. 20. Laudatio, tentatio. 21. Dementia multorum, inemendabilis. 22. Impensa debetur cura sustentando pecori: impensior, hominibus beandis, 23. - 27.

Cra-

(s) X, 12. y, 18. r. (t) XXVIII, 4, 5. (v) V, 14. (u) XXVIII, 10. (u) XI, 8. u. XVI, 27. Eccles. X, 8. (x) sup. 8. XI, 1. d. (y) VI, 17. VIII, 13. X, 18. 32. XII, 19. 22. 27. XVII, 4. (z) IX, 8. (a) XIV, 32. (b) V, 3. VI, 24, VII, 21, 22, 23. conf. XV, 1. u. XIX, 19. q.

CRastina^c nulla dies tibi sit tam certa, futurum
Ut quidquam memores jactantior^d: usque la-
tebit,

Postera quam sortem lux sit paritura sub axe^e.

2. Laudibus exornet^f te alius; non, spiritus oris
Ipse tui: externus^g; sed non, tua labra^b: sed, hostis.
3. Est sua tum moles saxo^b; tum pondus, arenæ:
Me multò gravius premit iracundiaⁱ stulti^k.
4. Quàm crudele^l, furor^m! quantusque agit impetus iram!
Livorem^m contra, heroùm quis stabit, atrocem?
5. Alterius vitium clarus qui sermo refellit^o,
Præstiterit; quàm, qui erranti malè parcit amico,
6. Occultusque & mutus amor. Nam, vulnera^p amicus
Fida

PARALLELISMUS CAPITIS XXVII.

(c) III, 28. (d) XX, 14. XXV, 14. Jac. IV, 13, 14. (e) Eccl. II, 22, 23.
(f) conf. 14, 21. XXIII, 25. AUGUSTINUS, in Johann. tract. 58. *Homini præceptum est: Non te laudet os tuum, sed laudet te os proximi! Periculosum est enim, sibi placere, cui cavendum est superbire. Ille autem [Christus] qui super omnia est, quantumcunque se laudet, non se extollit excelsus; nec potest rectè dici arrogans Deus. Nobis namque expedit, Eum nōsse, non Illi: nec Eum quisque cognoscit, si non se indicet Ipse, Qui novit. Si ergò, non Se laudando, quasi arrogantiam vitare voluerit; nobis sapientiam denegabit.* (g) V, 10, 16. (h) V, 3. g med. (h) XI, 1. d.
(i) XII, 16. f. (k) I, 7. q. (l) V, 9. q. (m) VI, 34. z. (n) XIV, 30. c.
(o) I, 23. p. (p) XX, 30. k. AMBROSIUS, Offic. I. I. c. 34. *Benevolentia facit, ut amici vulnera utilia magis, quàm voluntaria inimici oscula sint.* AUGUSTINUS, contra litt. Petiliani c. 103. *Emendabit, inquit David Ps. 141. me justus in misericordiâ, & arguet me: oleum autem peccatoris*

Fida & infligit amans: verum, multa oscula figit,
Mater ut imprudens, ita sæpe inimicus & osor.

7. Disce simul, quantum discedat abusus ab usu!
En! saturata anima audebit contemnere mella,
Et calcare favum, suavissima & optima dona:
Contrà, ubi sana fames stimulo est; huic esca &
amara,
Iratum stomachum placans, dulcescit abundè.
8. Sicut avis, nidos incerta reliquit; at istam
Mox tenet accipiter, pedibusque eviscerat uncis:
Vir sic instabilis concredita limina mutat,
Despiciensque suam sedem, in diversa vagatur.
9. Un-

non impinguabit caput meum. Quid planius? quid apertius? Malim, inquit, me misericordi oburgatione sanari, quàm blandâ adulatione, tanquam mihi caput ungatur, decipi atque perverti. Sub aliis verbis ipsa sententia est: Meliora sunt vulnera amici, quàm voluntaria oscula inimici. (q) XXV, 13. conf. XX, 30. XXVIII, 23. Ps. CXXI, 5. (r) XXIV, 26. (s) XXVI, 24, 25. (t) XIX, 23. XXV, 16, 17. XXX, 9. conf. Eccles. VI, 2, 3. (u) V, 3. g. (x) Spiritualis maximè: Matth. V, 6. CHRYSOSTOMUS, ad pop. Antioch. hom. II. Anima saturata favis illudit: animæ autem egenti etiam amara dulcia videntur. Et certè quid favis dulcius & melle? sed non jucundam, inquit, non esurienti: quid verò amarum injucundius? sed dulcia sunt in pauperie constitutis. Quòd autem pauperes cum necessitate & esurie ad cibum veniant; divites verò eum non expectent, hoc cuique manifestum est: unde legitimam & sinceram voluptatem non capiunt. Nec in cibis tantum, sed & in potu idem accidere, videre licet: & sicut illic esuries, supra escarum naturam, voluptatem inducit: sic & hic sitis jucundissimum potum facere consuevit, etiamsi pura sit aqua, quæ bibatur. (y) VI, 5. XXVI, 2. (z) XXV, 6. Eccl. X, 4.

9. Unguentum exhilarat^a, nec non suffitus odore^b,
Cor infirmi hominis: simili dulcedine^c vincit,
Consilii^d proprii ductum, sincerior usus
10. Fortis amicitiae^e. Tuus est qui, & patris, amicus^f;
Dignus honos sit semper ei: tu desere neutrum!
Nec verò cupias, germani sanguinis ædes
Visere, tanquam hospes, rebus dum hærebis in arctis^g:
Juxtà habitans quivis, præsens, præ fratre remoto,
Juverit.
11. Esto igitur sapiens, charissime fili^h!
Fac, in corde meo de te perfecta redundet
Lætitiā; ut regeramⁱ, nolit quod criminis autor.
12. Callidus, abscondit sese, cū prævidet atra
Nubila: transibunt rudiores; multa que captos
Persequitur^j.
13. Rape quæque viro, rape strenuus illi
Indumenta, vadem qui se transcripserit ipsum:
Proque peregrino spondentem, pignora posce^k!
14. Ante diem surgens, prægrandi ut laude^l, faventem,
Primus ad astra vehat; maledicta^m inferre putatur,

Z

Et

(a) inf. 16. V, 3. b post. Eccl. VII, 1. IX, 8. X, 1. (b) VII, 17. (c) XVI, 21.
(d) I, 25. q. (e) XVII, 17. d. e. (f) I, 27. r. (g) I, 8. r. Eadem XV,
20. f. (h) I, 28. t. Ps. CXIX, 42. (i) XVII, 26. e. XXII, 3. eadem.
(k) Eadem XX, 16. (l) conf. 2. 21. (m) XXVI, 2. conf. XXIX, 5. HIE-
RONYMUS infert hinc, comm. in Lament. Jerem. c. I. Unde sper-

